



POLITICA D'UFFANTS E DA GIUVENILS  
EN IL CHANTUN GRISCHUN

# Actualitads da la politica d'uffants e da giuenils

01 / 2021

---

Allegra, hallo, ciao

Stimadas partenarias e stimads parteneris da la politica d'uffants e da giuenils

In emprim pass impurtant è fatg. Il Model directiv per la politica d'uffants e da giuenils dal Grischun è realisà. Ussa vai vinavant. La finanziaziun da partenza per rinforzar e per promover la politica d'uffants e da giuenils en il chantun Grischun è segirada ed integrada en il program da la Regenza 2021/2022.

Nus As prendain cun nus – sin la via da l'ulteriur svilup da la politica d'uffants e da giuenils. Cun questa newsletter As infurmain nus mintga quartal davart projects, discussiuns ed occurrenzas.

La politica d'uffants e da giuenils pertutga nus tuts. Nus ans legrain da reacziuns e dad inputs davart ils differents temas.

Salids amicabels

Susanna Gadient  
Manadra da l'Uffizi dal servetsch social

Beat Hatz  
Manader dal project Politica d'uffants e da giuenils  
Uffizi dal servetsch social dal Grischun

---



## Tge finamiras ha la politica d'uffants e da giuvenils?

La politica chantunala d'uffants e da giuvenils vul stgaffir lieus e cundiziuns da viver attractivas per famiglias, per uffants e per giuvenils.

La politica d'uffants e da giuvenils vegn sviluppada en moda interdepartamentala ed en collavuraziun cun vischnancas, cun acturas ed acturs privats sco er cun famiglias. Uschia procurain nus per in proceder structurà, consistent e duraivel. Quai vala er per realisar mesiras che pussibiliteschan ad uffants ed a giuvenils da crescher si en in ambient encuraschant.



Kanton Graubünden  
Chantun Grischun  
Cantone dei Grigioni

## Model directiv per la politica d'uffants e da giuvenils

In emprim term en la politica d'uffants e da giuvenils è cuntanschì: il Model directiv per la politica d'uffants e da giuvenils en il chantun Grischun. Quest model directiv è ina basa cuminaivla per tut tgi ch'è activ en il chantun Grischun en la politica d'uffants e da giuvenils. El serva sco basa da laver e da decisiun.

- > Model directiv rumantsch
- > Leitbild Deutsch
- > Line direttive italiano



**«Als uffants e giuvenils tutga l'avegnir. Nus avain l'incumbensa da stgaffir cundiziuns generalas per proteger, per promover e per laschar sa participar ils uffants e giuvenils.»**

Marcus Caduff, cusseglier guvernativ  
Departament d'economia publica e fatgs socials

Quai avain nus gia fatg

En collavuraziun cun il Biro BASS, Berna, avain nus fatg l'onn passà in'analisa detagliada dal stadi actual e dal basegn futur. Per quest intent èn vegnids interrogads en tut il Grischun scolas, vischnancas, canortas, posts chantunals, la laver cun giuvenils e.a. Plirs posts da servetsch chantunals, autoritads regiunalas e communalas, represchentanzas da las dretgiras e dal sectur medicinal-terapeutic èn er sa participads al project «Child-friendly Justice 2020». Resultadas èn recumandaziuns d'agir per defender meglier ils dretgs da l'uffant. Questas recumandaziuns d'agir e l'analisa dal basegn dal Biro BASS han furmà la basa per las ulteriuras mesiras en la politica d'uffants e da giuvenils dal Grischun.

- > [Rapport Büro Bass](#)
  - > [Rapport Child-friendly Justice Kanton Graubünden, 2020](#)
- 

### Proxims pass



Promoziun tempriva

In team da project s'occupa actualmain da l'elavuraziun d'ina strategia chantunala «Promoziun tempriva». Il team sa cumpona da persunas spezialisadas dal chantun or dals secturs furmaziun, sanadad e fatgs



Ulteriuras mesiras

Tuttas mesiras sa basan sin ils trais champs d'acziun «promoziun», «protecziun» e «participaziun». Els èn centrals per sviluppar vinavant la politica d'uffants e da giuvenils en il chantun Grischun. La politica d'uffants e

socials, ma er da represchentantas e represchentants da differentas vischnancias grischunas.

da giuvenils è da chapir sco incumbensa interdisciplinara. Quai vul dir: differents departaments èn cumpetents per ils facturs multifars che influeneschan ils munds da viver dals uffants e giuvenils davent da la naschientscha fin a la vegliadetgna da 25 onns, ed a medem temp èn queste facturs situads sin differents plauns statals.

> [Mesiras](#)

### **Guardar novitads davart il project en l'internet sin l'agen computer**

Politica d'uffants e da giuvenils dal Grischun

1/2021 / 15.04.2021

Contact: Beat Hatz, Uffizi dal servetsch social dal Grischun, kinderundjugendpolitik@soa.gr.ch

[visar la newsletter](#)

[Impressum](#)